

•sanjvwnz•

Haigvangq Gij Mingh Raeuz

□ Luz Vanjinh / 陆婉珍

“Gij doxliz cei qyae gwnzbiengz haenx mbouj dwg lix caeuq dai, dwg gou youq doiqnaj mwngz, mwngz dauqfanj loengh soujgih.” Neix dwg miz vunz dawz gawq sei Daigoh’ wj gaij daeuj gangriju, gangj ndaej gig deng, neix couhwdg gij cingzgvang caensaed ciuhneix!

Caen dahraix, seizneix, soujgih cinwngz, dennauj bingzbanj, gaenq byaij hauej cien gya fanh hoh, habsim hab’ei qyoeengqvunz. Youq gyawz seizbient cuengqda baez yawj, seiqlengq cungj raen gyoengqvunz ngaemgyaeuj yawj soujgih, mboujlwnh bouxsai mehmbwk roxnaeuz bouxlaux lwgnyez, vunz lai caeuq soujgih cungj ndang mbouj liz ngauej, lumjbaenz yaepyet hix faen mbouj ndaej hai. Aen soujgih iqetet ndeu, hawj gyoengqvunz dawzyinx dangqmaz. Danghnaeuz, miz saek geij faencung aen soujgih mbouj youq ndaw fwngz, couh lumj saet hoenz lekmanx nei, daengx ndang mbouj cwxcaih.

Raeuz guhhong caeuq gwndaenj daengj haujlai saeh cungj aeu yungh soujgih, lumjbaenz yawj dunghcih caeuq sinhvwnz, caz caizliuh, guh gaicawx, ra baengzyoux, lwnhgangj simcingz…… Mbouj miz soujgih, haujlai saeh guh mbouj baenz roxnaeuz guh mbouj ndaej baenzneix vaiq baenzneix vei.

Hoeng, gou bonjfaenh cungj siengj liz soujgih gyae di, ndaejhoengq couh lai yawj di saw, yawj sawceij. Baez dwen daengz yawj saw, aiq miz haujlai vunz cungj naeuz seizneix dunghsin baenzneix fatdad, daihgva cungj haengj yawj sawdenswj lo, byawz lij bae yawj sawceij dem! Sawceij naek youh mbouj ndei dauqcawq dawz, ndigah dingz lai vunz haengj yawj sawdenswj.

Gou haengj yawj sawceij dwg aenvih sawceij ndawde hom raemxmaeg, bungj saw hauej fwngz, naekgywggwyg, hawj gou sim’ onj dangqmaz. Gou nyinhnaeuz neix dwg cungj yiengsauh, baenzneix gou mizyinx dangqmaz. Mboujlwnh baenzlawz nyaengqfoedfoed, banhaemh gwn caeuz liux, gou ndekndak soujgih le, couh naengh gwnz sah faz, dawz bonj saw okdaeuj, doq gwn caz doq yawj gij sawceij, caen hawj vunz simsoeng, gig miz feihdauh.

Raeuz cungj rox, “gij saw, dwg

dungxcaiz vunzloi h gyonj baenz” “gij saw, dwg mbaeklae cinbu vunzbiengz” “doegsaw lumj bonjfaenh ndaej bae youzlangh baez he nei” “doegsaw dwg caeuq gij vunzndei doxgangj”…… Caen dahraix, yawj ndaej bonj saw ndei he, saedcaih hawj raeuz yawj ndaej engq gvangq engq gyae, hawj raeuz roxsoq, hawj raeuz coengmingz, hawj raeuz gvaiget……

Ndaejgeiq mwhde gou ngamq guh lauxsae, faen bae aen hagdangz iq lajmbanj dieggvae bae son ban hwnj roek nienzgaep. Aen ban neix aenvih miz geij boux hagseng doegsaw moet di, cungj ndaej cibsei q haj bi lo. Mwhde gou ngamq bizyez okdaeuj, hix ngamq ndaej 19 bi, nienzgeij caeuq geij boux hagseng haenx ca mbouj geij lai.

Ngamq guh lauxsae, mbouj miz saekdi gingniemh, caemhcai q aen hagdangz neix haujlai bi mbouj miz lauxsae moq daeuj son saw lo, gyoengq hagseng roxnyinh gig singj sien. Ngoenznaengz baenz gyoengq caenx hauej ndaw rug gou daeuj, caeuq gou gangjgoj. Gou daengz dieg neix dwg vunseng, gyoengqde hawj gou gaijmbwq mbouj noix, gou hix maij caeuq gyoengqde gangriju, baenzneix gyoengqde cungj haengj heuh gou guh “Cejcinh”.

Hainduj, gou laihnaeuz gyoengq hagseng caeuq gou miz gangj miz riu, itdingh lauxsaed dingqgangj, hoeng, mbouj geij nanz, gou cij menhmenh roxnyinh gyoengqde geij lai rwz na geij lai nanz son. Gyoengqde mbouj haengj hag ci h saw, caemhcai q haengj “loengh vunz”, lien z gou hix mienx mbouj ndaej deng gyoengqde loengh gvaq dem!

Ndaw ban geij boux coengmingz youh cei q hung haenx, haengj doeng diuq sae saet, ciengzseiz daiqdaeuz luenhnauh, gij vah gou naeuz cungj lumj gij raemx gvaq laeng duzbit nei, son geij lai mbat cungj mbouj gaij. Mizseiz lij youq gwnz dangz gou daengdaengq luenhnauh, gou naeuz mbouj ndaej guh maz, gyoengqde nyengh guh, baezbaez gou cungj hujdengdeng, hozndat lumj feiz coemh!

Gou dauqdae j rox lauxsae gaxgonq daiq ban neix vihmaz cungj haenx ban neix ndei, naeuz gyoengq hagseng dingqgangj, cingzci k ndei…… Mwhde gou hix ngawzngwd-

ngwd docih de, nyinhnaeuz de “simndei”, hawj ban ndei neix hawj gou daiq. Laxlawz dwg aen cong hongx hung ndeu! Mwh de gou caen dwg “bouxngoemx gwn vuengzlien z, miz haemz cungj gangj mbouj ok”!

Hoeng, seizneix couh lumj duznou iq bin hwnj daizdaeng, gaenq roengz mbouj ndaej lo, cij ndaej giengien z dingj hwnjbae, aenvih gou mbouj fugsaw! Gou itdingh aeu siengj banhfaen haenqrengz hawj gyoengq hagseng gaij ndei.

“Saw daengz yungh seiz cij yiemz noix”. Ndaw dungx noix maeg, caen nanz guh saeh! Aeu lai yawj saw gyagiengz gij bonjsaeh sonhag cij ndaej.

Daj seizde hwnj, gou baez ndaejhoengq couh bae cawx saw, yawj saw. Aenvih gou cienmonz bae yawj gij saw baenzlawz guenjieix hagseng, caemhcai q hag ndaej couh yungh. Mbouj geij nanz, gij saeh hagseng gaujlueh simfanz haenx yied daeuj yied noix lo, gyoengq hagseng hix yied daeuj yied gvai, gij cingzci k engq yied hwnj yied ndei, aensim gou menhmenh cuengq roengzdaeuj lo. Mwhde, gou cij roxnyinh: Dwg yawj saw hawj gou hag rox haujlai, hawj gou sonhag ndaej engq simsoeng!

Doeklaeng, gou menhmenh lien h baenz sibgvenq yawjsaw lo. Gou mboujdan gya ez yawj sawsonhag, caemhcai q haengj yawj gij saw vwnzyoz dem. Yienz naeuz gou guh mbouj daengz haenqrengz doeg saw lajbiengz sat, hoeng, gou nyienh itcig ndaej caeuq gij saw doxbuenx doxing.

Yawj gij saw ndei, ndawsim gou gig boiqfug gyoengq canghraiz, baenzlawz baenzneix maenh’ ak, rox aeu gij cihsaw bingzciengz raiz gij saeh iq, gij doxgai q, gij vunz daengj ndaej baenzneix sengdoengh, baenzneix mizyinx, yawj ndaej lai, da ndat fwngz hix humz lo, gou menhmenh hix naemj raiz di doxgai q, mboujguen j ndei roxnaeuz mbouj ndei, moix baez siengj raiz cungj aeu raiz roengzdaeuj.

Gou hainduj sawq sij sanjvwnz caeuq sawcuenh seiz, cij menhmenh haeujsim bae yawj gij gezgou faenzcieng bouxwnq, hix hag daeuj yungh youq ndaw faenzcieng gou, mbouj iugouz baez ndeu song baez couh yungh ndaej ndei. Couhcinj gag

yawj hix roxnyinh bonjfaenh bitmaeg noix, hoeng, cungj maij dangqmaz, mbouj rox naiqbaeg hix mbouj rox saetna j, gwq yawj gwq raiz.

Siengj mbouj daengz, miz baez ndeu, gingqyien z miz boh’ au duiyouh he doi q gou naeuz: “Siuj Luz, gij faenzcieng mwngz gou cungj haengj yawj bw, daegbied dwg sawcuenh, sij ndaej giuj!” Gou baez dingq, youh sim’ angq youh dwglau, aensim ndat fwd fwd caemhcai q diuqbubbub.

Aenvih gaxgonq gou cungj laihnaeuz gij faenzcieng gou sij ndaej mbouj ndei, hix mbouj hauej da, engq mbouj miz byawz yawjnaek, moix baez cungj sij le couh douz okbae, hix mbouj gamj siengj daiq lai, caenh siengj: Cijaeu canh di cien z he daeuj cawx bau gyu couh baenz lo……

“Mid gat baengh rin, fouj rae h baengh muz”. Gou roxnyinh gij saw couhwdg “rinmuz” gou, siengj dawz gij faenzcieng bonjfaenh sij ndaej engq ndei, couh aeu lai yawj lai sij! Baenzneix gou engq haenqrengz bae lai yawj, lai hag, lai sij, lai gaij…… Mboujduenh daezsang bonjfaenh, moix baez douz faenzcieng okbae hix mbouj cai q yupyat caemhcai q simvueng lo.

Youq ndaw ndwenngoenz gou, cai q hix noix mbouj ndaej saw lo. De lumj boux baengzyoux gou nei, buenx gou bae youzlangh lajbiengz, buenx gou riu buenx gou daej. Gij simnyap sojmiz baez raen bonj saw he, cungj deng vut daengz laeng bae, cai q hix mbouj miz simgei bae ngeix hwnj lo, caenh siengj bae yawj ndaw saw miz maz dijbauj ndei, deq gou bae cimhra, bae yodawz.

Geiqndaej ndaw saw miz coenz vah ndeu naeuz “gij mingh raeuz miz song cungj, cungj he dwg ndangdae j, cungj he dwg cingsaenz”. Gou nyinhnaeuz, gij ndang raeuz ndaej daij gijgwn aeu ndaej yingzyangj, gij cingsaenz raeuz cujyau dwg daij ndaw saw aeu ndaej yingzyangj.

Vahsug gangj “mingh vunz miz dinjraez, faexdeiz miz sangdaemq”, ciuhvunz dinjdet, raeuz yaek siengj hawj diuzmingh bonjfaenh bienq raez, gig nanz, hoeng, cijaeu raeuz lai bae yawj saw, lai hag gij coengmingz banlaux, couh ndaej haigvangq gyalae g aen uk raeuz, haigvangq gij mingh raeuz!